

四庫全書

集部

欽定四庫全書

樊榭山房續集卷六

錢塘厲鶚撰

詩已

西湖競渡曲四首

熟梅過後水如天，疊鼓初聞破曉烟。
三載王郎棚下夢

何如閒上汎湖船

子年來午日皆客
廣陵故用王搢事

竹風葵日共鮮新，向午湖亭扇障塵。
試爲樓家參轉語

八分烟水二分人

二分烟水八分人樓
攻媿西湖競渡句也

簾影參差幾舸開
傍湖亦有小樓臺
綠窓剪舌教鸚鵡
催看龍舟獨後來

青山四壓碧匳幽
高處風光望裏收
絕似東京舊圖樣
彩旗橫過寶津樓

瓶花齋賦盆中小松用少陵四松韻

松於衆木中為性最堅強
託根在盆盎鬱屈固不長
雖無鶴來巢幸免蟻見傷
想以醜怪姿印壑難掩藏
移青

自遠舸分影臨清防我聞天子都名蹟游軒黃餐脂斲
虎魄服粉祝桃康森然未盈尺來登君子堂赤日晡天
地微蔭寧為涼兒童遭褻視豈知閱冰霜今晨暑雨馱
彷彿龍鱗張拏雲莫便去奮迅天渺茫何如供嘯傲坐
使永晝忘其下置拳石古色同蒼蒼

李迪秋原放牧圖為旭瞻作

角穢穢耳濕濕考牧詩中全物色天蒼蒼野茫茫敕勒
歌裏西風涼西風老樹莽蕭瑟認得三朝畫師筆

平顯
題李

迪畫詩歷事縱橫直是谷量餘躑躅疑從畦種出映坡
三朝老畫師
蔽隴下層阿夕陽滿地沙草多一人韋裳轉首坐天晴
堆積笠與蓑從來畜獸圖非易寧著青紅掃魑魅今觀
此卷態逼真令我他年勞夢寐汪生讀書古人齊兼金
購此索我題不如長五牒留二羝君看富如猗頓貴卜
式無過西河河南兩牧兒

入秋酷暑七月十二日晚風月甚清遂有涼意
新涼有情助獨吟螢影熠熠照堂陰秋聲滿簾那可覓

明月出樹如相尋
今我不樂歲云暮
古人已往誰嗣音
扁舟後夜汎湖去
驚起老鶴橫西林

中元夜同舒雲亭明府竹田甌亭諸君汎湖

游雲吹盡一輪孤
碧漲光連裏外湖
買得迎涼新舫子
來看卧水玉浮圖
柳邊夜笛清逾迴
山際秋燈淡欲無
共惜前汀好風露
坡仙逝矣不堪呼

八月十八日同敬身觀潮

西風吹客出重城
乘興聊為江上行
買酒旗亭望山遠

焚香野廟拜潮生
喧呼兒女秋誇雪
浩蕩龜魚晚弄晴
欲學盧郎無賦筆
老夫胃次尚崢嶸

沈侍御椒園於任城南池創建杜少陵祠徵詩

紀事

少陵游處剩空池
傑構任城始有祠
粟主應從許簿祀
酒樓合配沈光碑
繡衣風雅千年續
飯類忠貞異代師
待我重來訪陳迹
蒲荒菱熟薦深卮

病中以滿城風雨近重陽為首句得詩三首

滿城風雨近重陽病減情懷老減狂足輦杖藜渾得力
耳鳴鞞鐸果何祥僮奴決意辭貧主醫匠收功試古方
我已是非俱不問笑看梧葉墜虛廊

滿城風雨近重陽唧唧陰蟲夜漸長瘦比隱侯猶較倍
愁應平子為分將青燈難遣詩魔嬈丹鼎翻嫌琴客妨
領取秋深閒意味不眠常是望晨光

滿城風雨近重陽及至重陽霽色蒼問疾客來時一二

登高人想不尋常

時朱大鹿田招集
吳山登高不克赴

琉璃水淺盛新月

瑪瑙天空映拒霜

梁簡大詩
瑪瑙映霜天

誰道秋容麗如許閉門

也有小篇章

次韻答平湖舒明府見寄

藉甚舒明府相逢恨最遲因吟湖寺句不減武功詩俗
重持螯日官閒穫稻時自憐多病客搖蕩覓前期

寄樊榭徵君

滿洲

舒

瞻雲亭

衆中一握手翻媿識君遲夜月重湖棹秋燈古寺詩
官身牽別夢樂事負佳時九日登高約黃花恐後期

謝甌亭送藥資

叩戶聲何急兼金餉病夫寧憂宋清券恰稱杜陵須衰
賤君何取殷勤俗更殊朝來知有喜欹枕聽風爐

晚秋懷攝山舊游

秋氣澹如此孤雲迴未還病餘留幻質心遠屬名山古
殿松聲冷中峯月影閒舊題巖上字應是有苔斑

小雪日偶成

苒苒流年小雪催翻書過日興悠哉無兒北宇猶栽竹

有句南簷欲問梅
卷葉風多流水斷
護霜雲薄夕陽開
病餘自喜嘗新穀
鼓腹清時又一回

題吳志行從軍圖

故寫軍裝作遠游
比於客帳夢封侯
書生有分垂青史
烈士何當歎白頭
草檄手閒秋巷冷
淅矛語險暮雲愁
不如共我跣趺坐
千古貂蟬付一漚

雨

經秋成久涸液雨亦知
時稍破萍黏塊微通葉擁池
寒

烟飛不去暮雀宿難遲
竟日支頤坐何妨類白癡

炭整二十二韻

人生百寒暑奉養逐時變
勞勞營裘葛佐以爐與扇
扇

虛本來風爐必熾炭便高
門無嚴辰滿室麒麟炫銷
烺

宋夏至後諺云

不足惜下里詎能徧厥製
惟整良九九徵宋諺

九九八十一家家打炭整出陸泳吳下田家志

屑之復羅之和泉若泲麪
金椎

脫其模砥石平塗澱南榮
曝使枯坐待風雪戰一枚
寘
深灰杓火乃自銜初疑釜
星隕漸比陽烏見靴豚竟
日

除温磨終夜戀石墨儷京華木樨笑僧院命名瓴未燒

許氏說非行

說文塹瓴適也
一曰未燒者

燕髣釋云坯與此同一傳

遼僧行均龍龕手
鑑云塹塹坯也

又聞洪景伯嗜古有餘羨永初作官

塹字出武陽縣

宋洪适得眉州漢武陽故城
塹字云永初七年作官塹

土炭類則

齊擊土技斯擅烘燎等儲侍取義無可揀禦冬鄙事耳
瑣細安貧賤那愁邾穿墮漫學羊琇醮閉戶起病餘觸
物弄筆硯

杭堇浦招集寄巢戲賦冬閨用魚元機和光威

哀聯句韻

銷寒第一會

深沈子夜深沈院月底飛來青鳥三拂拭紅繇開曉鏡

商量白紵製春衫無題慣入冬郎詠有信偏宜喜字銜

夙習偶呼長命女今生堪伴善思男

維摩居士
男名善思

斜河欲

轉應斜眄小市初迎合小慙釀雪年光歸緩緩剪燈心

緒話喃喃吳潮解送明於練楚岫相望蠹似簪願作羅

幃君是覆若為香瓣妾能含佳期箏柱參差定真誥琴

弦子細諳舊姓曾憐碧玉嫁蕃釐記向綠衣參流連臘

酌鈞藏醉取次花錫竈祀甘何事畏寒多晏起殘陽容
易到梅南

鄭筠谷太史挽詩二首

引疾遄歸僅數年頓成一枕小游仙故人共惜風流盡
造物偏慳水石緣新史同修長最擅遺經獨抱子能傳
從今玉樹深埋後應有精靈在簡編

平生笑語樂通懷亦抱迂疎與俗乖自重德輿輕紱冕
竟乘神馬外形骸記尋梅下三衣容

辛酉春偕筠谷西
溪探梅訪太虛上

人于花塢忍過城東十字街十字街見古樂府酒伴寂寥吟社冷但

餘帶草繞空齋

汪秀峯自松江載書歸招同人小集分韻銷寒第二

會

雪壓扁舟浪有稜載來書重恐難勝排聯清興惟同鶴
增長多聞似得朋歸洛舊傳東野句孟郊有喜盧仝入書船歸洛詩

杭新並蓼塘稱元上海莊蓼塘藏書七萬卷銜杯不獨相忻賞欲賃

鄰居翦燭膳

十二月八日敦復招集瓶花齋食臘八粥聯句

銷寒第

三會

歲序何崢嶸

周京穆門

星紀忽已弔八葉抽堯蓂

金志章江聲

五

德重漢臘吟社邀襟聯

樊榭

山館喜簪盍浴佛東京遺

梁啟

林葭

設供西竺法漑釜精作糜

丁敬龍泓

析薪燎以蠟果兼

檜殼膚

杭世駿董浦

米粢升龕合釋之復揉之

全祖望謝山

載剝

還載招濾泉力斧冰

顧之麟寸田

蒸餹氣焚蒔汨汨醅汎缸

吳城

濃濃乳傾榼宿辦勝咄嗟

丁健誠叔

早起占啜嗑坐疑

集梅林

汪啓淑秀峯

圍如禮花塔不待木魚呼門穆何煩齋鼓

鞞素甌滿同盛

江聲

淨饌齊一呷甘芳滑流匙樊磊塊利

用袂羣喋訝水鳧

林

餘瀝施簷鴿口香聞諸天龍腹果

傲古衲利益瞿曇云

董

家風靖師答緬思烹穀初山謝軒

后澤溥洽玉井象昭垂

寸

橐籥紀職納人皆依食住甌

俗始理生陋貴或糅元黃

誠叔

三品侈和雜貧或點齋鹽

秀峯

七寶爭嘖嚙或詭名目奇穆門料斗說閭闔或困衆指

繁江聲舖歎沸吹欵炁傳放翁詩

樊

榭膏載叔庠劄寒持濟

軍饑

林設

晨炊恤僮乏何如我輩閒

龍泓

文史共歡狎蜡飲

用上寅

董浦

談議資某甲嶺梅吐萼纔

謝山

山茶破紅恰騁

辭筆紛飛

田寸

搜祕神有嗒節物鬪朋牋

歐亭

故事徵梵夾

流連至纁黃

誠叔

新月照簾押

秀峯

臨平道中

隄畔人家望轉遙映山臨水竹蕭蕭風回微雪瓜皮艇
雲破平林板凳橋

張龍威招同陸南香紆齋耐士諸君集弄珠樓

為選東湖勝相攜上野航層波圍酒地疎樹入漁鄉
舊雨前期在新晴客思忘十三回月子流照一樓霜

東湖月出回船中流有作寄舒明府

留人月似東湖主也逐船移浦淑開直擬君山吹笛去
渾如神女弄珠來寒驚白鷺一羣起春逼蒼龍七宿迴
尚憶連宵趨府客不同婪尾試深杯

葉東宿招同人集德藏寺僧房以食隨鳴磬巢
鳥下行踏空林落葉聲為韻分得磬字

突兀雙塔昏斜陽下荒徑離立僧影收林葉已無剩茲
游值深臘吟伴有高興作禮觀師瘞環洲微汀滢殘碑
不可讀遺恨入烟磬蜂房自開戶初筵潔早釘茶聲沸
庭陰月色破池暝寺有山月池微意窅莫尋清言往如贈伊
余淺學人久習迦葉聽願參滄浪禪勿作小乘證

葉迎坡陸紆齋鮑咸吉諸君招集南莊探梅

春到江南早一分林亭窈窕集同羣巡廊共訝溪痕活
坐石偏忻鳥語聞幾粒松風留舊臘數椒梅意動斜曛

故園歸去辛盤近
回首離情指暮雲

同作

張雲錦

一棹荒寒路幾經
殷勤梅信報園丁
人來淺水綠邊
浪花問夕陽紅處
亭昔酒香仍消
酩酊春懷淡欲入
空冥試燈節後
應全放待折橫枝
向膽瓶

汎舟出東新關至臯亭看梅同周穆門杭堇浦
梁護林丁龍泓吳甌亭汪秀峯作

以下丙寅

春山秀北郭
悵望情有餘
中藏萬樹梅
白雲誰所鋤
獨

往興易盡高唱孰起予同舟五六人皎若英瓊瑀推蓬
認芳草把卷沿清渠斜陽纔半嶺薄靄風四除撫迹已
成昔言歡方在初幽姿照水際的的久離居

晚由金家堰步至崇先寺

一峯抱花迴不知凡幾里遲日落未落散策從此始石
梁跨澗空苔枝皆倒倚入寺罷晚參僧堂寂如水詰曲
取微徑返景照花裏瀰漫徧巖壑春透無剩蘂乍疑吐
佛光白毫映霞紫復訝妙香生秘藪得禪髓盤桓憇松

根結茅擬來此何必問通波遠尋光福市

宿臯亭山下田家

山中無節物新月在茅檐主人肯留客遂為信宿淹夜
久春氣和露下衣微霑步步踏梅影畫格參濃纖悄然
諸峯靜不覺更漏添歸尋一枕夢酒家指青帘

游中塔院遂歷上塔院

橫山分小支犖确勢如窘長林交青蒼老藤結蛇蚓中
塔峙其半新構極峭緊稽首問導師燈傳本無盡

真歇
了禪

師有無輕陰羃屋角欲去且復忍須臾裂層霄幽禽語
盡燈記相引槃跚到上塔修竹密于鬢懸崖曠以平古榦壓巖
嶙冰花間綠雪微罅見遠畛相對澹無言笑為東風鞭
傳聞塔中仙在世只悲憫至今山君馴夜護階前筍
塔上
歸藏真禪師
有伏虎事

桐塢

桐塢我舊過陰森翳叢篠隔林見梅花謂是山月曉花
深不辨徑地寂唯聞鳥但看香雪繁似覺青翠少此中

饒僧廬粥魚出烟杪後游鬢絲增初春澗聲杳無事為
佛事益以詩自繞

下塔院

有月明杲禪師
塔一名月明菴

臯亭西麓深名僧樂幽阻誰知下墻藏亦復近在渚

菴前

有大池門前萬梅龍玉鱗待飛舉或娟然若盤或凝然若

佇俛或若將攫翹或若將語涵吐逆風香供養藥上侶
當年日中機委蛻捷無拒何處閱真空晚鐘清一杵

撒沙夫人廟

相傳神為倪氏女南渡初避寇奔
匿蒙犯風雨瘡痍而卒里人葬之

山中後金人南侵神著靈異撒沙退
敵事聞封為護國夫人建廟祀焉

臺殿高切雲北山山半出下視花海鋪上蔭松障密薄
暮一躋攀迴風送蕭瑟翠帷映金燈香霧蒙玉質在昔
建炎初兵氣纏駐蹕神生正笄年走避致愁疾守貞隕
空山退敵合仙術沙揚灌壇雨氛蔽東皇日傳乏更生
文記無令升筆惟有村女兒酌醴歲勿失

哭趙谷林四絕句

卅載心交類飲醇道南宅近更情親誰知漸老多寥落

纔入新年哭故人

疎泉移岫不離家
扶病猶思踏月華
寂寂西池人定後
吟魂應是繞梅花

徵車同上話晨昏
往事回思一斷魂
可惜空摩烏集闕
而今忍見鷺巢門

短牋猶在淚痕多
萬事風花瞥眼過
還似修文深巷裏

十年殘夢喚何波

用林艾軒哭
徐剛定詩意

臯亭雨泊同穆門堇浦甌亭

月黑皋亭夜色虛一篷風雨傍閒漁蕭蕭破夢三更後
恰恰欺花二月初小舫得為聯被宿深村大好閉門居
篋中幸有吳牋在滿幅春愁剪燭書

檣李舟中春寒

風尖篷背雨初乾笑攬茸裘且自寬
百里圖經吳界越三朝天氣暝翻寒
周遮鶯語依前澀禁勒桃花不放殘
漫道單棲最惆悵陸家賦後詠尤難

宿張龍威藝舫

移船來柳浦，爇坐書巢隱霧城。
烏翅垂星屋，樹梢詩從謀。
野獲人是出門交，掃榻能留宿。
寧辭酌滿匏。

東湖嬉春曲張龍威席上作

深裊鵝黃淺撥醅，出城便逐野鷗來。
東湖小有銷金處，老子嬉春第一回。

水檻花廊位置存，南莊易主石無言。
人生何惜尊前醉，幾見平泉到子孫。

一片波明與泖連，水西亭館矮於船。
杏花淺破紅闌笑。

似喚韋娘向酒邊

明嘉靖中禾妓
杜韋最有名

報荅春光有數公
弄珠樓外夕陽中
留連須盡湖天景
莫待明朝雨又風

葉迎坡信臣陸紆齋耐士招汎東湖分韻

晴波渺渺鴨頭新
比日黃緣不厭頻
草色居然迷客子
花光也復惱禪人

時南屏謀
公在坐

湖頭舊俗工挑芥
船尾行

庖細膾鱗莫道無
山供望眼天邊九
點淡螺鈿

當湖馮孝子錡扶櫬歸里圖

萬里雲中襯扶持淚滿襟山行石齧足江渡浪驚心歸

葬神應助捐生願更深孝家看表里竹帛照來今

南史太原

王知元居剡縣丁憂哀毀而卒陳宣帝詔改所居青苔里為孝家里

曉次臨平風雪大作晡至臯亭始晴三十里中

桃花正盛亦一奇也

歸舟火急趁花期作冷開晴故弄姿粉灑亂紅飛雪裏
金泥碎錦夕陽時雲山煙水如相護酒幔茶檣任所之
萬事豪華付公等天公此段獨吾私

小寒食日同穆門鹿田江聲鵬亭諸君汎舟湖
上用楊鐵崖花游曲韻

滿湖春靄山空濛雨微潑火花從風畫船平底如屋裏
撐入琉璃拍天水藏鴉門外水侵門霏霏吹濕綠羅扇
松鬣券臺延細步紙灰不到逋仙墓諸公豪氣忽飛來
笑看湖小坳堂杯喚起龍吟戛銅椀墨汁淋漓汚詩版
酒邊應記儂家西卻借少陵翻舊題白頭那作砌臺使
楊柳三眠橋第四吟成何用康成牋年年願續花游篇

城北汎舟看菜花同人分韻

三四吟朋一葉舟
踏青過後菜花稠
連畦金粉雌雄蝶
十里斜陽子母牛
北郭不來游女賞
東風都屬野人收
分明佛界周遭外
襯出紅橋碧玉流

上巳日同人攜酒酌顧丈月田墓兼修禊事於湖上仍用楊鐵崖花游曲韻

入春水厄如王濛
鬢絲輕颺茶煙風
佳辰解禊晴景裏
一桁浮嵐低著水
人生安得追羨門
太清抗手接飛帛

夙好殷勤迴故步酒香草碧鷓啼墓知吾曹不詎復來

北魏裴伯茂卒友人常景李渾等十許人于墓旁設酒置祭哀哭泣泣一飲一酹曰裴中書魂而有靈知吾曹

也傍湖亭館看流杯山茶初開大於椀柳外歌船催蠟

板嬌鶯雛燕度橋西凝望何人控月題若箇當年花鳥
使樓上垂垂簾影四呼童著意擘吳牋為君重賦蘭亭

篇

吳甌亭招同人集繡谷亭看藤花分韻

空亭老藤一千尺高格出屋枝連簷纔過穀雨好晴色

入門蜂子喧聲添春風披猖花爛漫香氣直透鄰家簾

當年亭中老居士

尊甫尺
鳧先生

芳時招客情所欣昔遊已逐

仙夢斷但有遺墨留霜縑郎君愛此等嘉樹廿年杯酒

還重拈話久飛英墜朵朵坐來弱蔓搖檐檐乍疑天女

下雲際華鬢麗數垂蜚織瓏瓏壓架間新葉青帝弭節

遲朱炎歡場況是害馬少拇陣更數潛蚪兼席中不飲

莫如我看客傾盡知無嫌更誦淮海藤陰句感舊滿襟

清淚霑

送舒雲亭明府還京二首

送春兼送客湖上夕陽船欲折蘋花贈相將別思牽後
期如此水前事只經年不斷吳雲影迢迢直至燕

知君風雅意為政及前修夢裏烏仍哺官中犢尚留郵

籤攜盡室津樹引扁舟長物偷康在何須二頃謀

明府
酷好

古墨購數
十笏以歸

同人集汪抱樸復園送春分韻

楊柳池塘十畝寬綠陰陰處有餘寒青梅薦酒情何限

白髮傷春別更難
繞徑殘花閒步屨
點波細雨獨凭闌
年年迎送常如此
剪燭題詩且罄歡

五月十五日客廣陵馬半槎招集小玲瓏山館
為展重午之會出諸家鍾馗畫索題予得出獵

圖

老馗駿騎風蕭蕭
一陰生後為夏苗
嘯梁之類聚若齒
屬目用命無敢驚
後勁鬚鬢各有執
繩牀背負攜罌瓢
唐裝挾簿似從事
數獲且待盛諸簦
前驅何所見醜怪

兼跳躑或對持赤梃肅若官趨朝或牽黃臂蒼或鳴鉦
吹箴或建中軍鼓齧齧振雲霄或樹大將旗獵獵吹招
搖玄豹或鎖掣豪豬或叉捺此皆偶中耳老尪沈機密
算慘不驕半塗突出遭跡虎相顧動色馳羣驍蹶張在
地弩交發投石向空距獨超搯猴戈長夾大斧欲除世
害祛佞妖天寶年間楊李輩翼而冠者如麤貓老尪胡
不殫其黨忍使三郎遠幸萬里橋今來畫裏展重午徒
然策勳酌爾桂與椒

廣陵苦熱賦何處堪消暑四首效香山體

何處堪消暑暑消泉響邊竹中醺白雨澗底瀉青天
浙侵肌爽泠泠入耳便韜光石橋畔憶此已翛然

何處堪消暑暑消幽洞邊佛棲深作屋仙遇別為天
乳滴絺衣冷泥行竹杖便青林通別竇赤日更淒然

何處堪消暑暑消深塢邊雲多中有梵篁密上無天
襪人誰到拖孳性所便法華西去路山翠正蒼然

何處堪消暑暑消僧閣邊松風灑翠壁鳥影度湖天
蔬

食安清儉椽屨學靜便南屏讓師在懷我定殷然

邵文莊公溫硯為西疇作

溫硯銘暑有發冰寒有韞火既濟且和變

理在我彼鼎我硯制殊義同汝草汝從惟金在銘功成斯文而不自有左右寘諸歲寒良友二

泉邵寶著錫

山安國製

梁溪江左勝山水清且幽扶輿磅礴氣多產賢達儔邵
公早解組吾道困幽憂北寺毒朝宇南陔樂林邱後來
高顧輩公先導其流東林事孔棘不及公優游觀公溫
硯制初物匪瑀鏤讀公自造銘寓意深可求漫學水火

爭當效變理謀彼鼎或時覆我硯常有收範以金從革

湯沐合賜休貯以石虛中即墨行封侯功成在構炭艾

出如蒸餾耐寒此故交附熱豈足侔安氏邑大姓膠山

理菟裘重祠李忠定公撰迎神謳

安國重建膠山李忠定公祠公為作記

侍公超然堂

堂在二泉書院

良冶為公鳩牽連宜得書捧硯榮

全牛方君雅好事什襲比琳球拓詞費氈椎徵詩徧遐

陬當共竹爐卷永永傳千秋

惠山有王孟端竹爐詩卷

方君任見示後周西嶽華山碑且索賦詩

天和二年

万紐于瑾撰文趙丈
淵字德本奉教書

方君好古人共知探討金石忘饑疲炎暉堪畏早過我
手示宇文西嶽碑非狐非貉本篡竊明月墜後魏祚移
天和之際主英毅關中形勝邦家基素祇首重豫州鎮
嚴恭祀事無敢嬉文先歸美亦有體諂晉公護殊可嗤
禮樂應自天子出奈何冢宰侈其詞
碑云大冢宰晉國
公任屬阿衡親惟
旦爽弼諧六使非含仁
殿名平內難神器不待楊氏窺題
樂緝熙五禮
云万紐于瑾撰系出唐裔賜姓為當年代族九十九此

其一耳居山陸

趙明誠金石錄後周延壽公于寶頌碑跋云寶謹子也謹後魏于栗碑子洛拔

之後余家有洛拔子烈碑云遠祖在幽州世有部落陰山之北有山號萬紐于者公之奕葉居其原址遂以為

姓典午推寅世遞嬗因生胙土紛難追文淵隸書兼籀

篆奉敕稱字固大癡衰回更憶達奚武請雨華岳剛同

時攀藤直上玉女頂白衣見夢甘霖施於今江介方苦

旱安得長吏虔如斯為君賦此已夏杪客窗悵望涼颼

吹

題懈谷所藏郭河寒風密雪圖

宋已無李成寒林尺幅徒強名今尚有郭熙官畫風雪
重見之主人云此來京師珍重出自我友貽不用明窗
拂蛛絲滿堂寒色動鬚眉峩峩羣玉峯下積陰靄濃皎
皎千樹瘦上絕窮鳥影但聞虛牝怒號飛湍哀馬蹏得
得翻銀杯擔囊危棧胡為哉誰家寬嶂柴門開別有凍
粟生樓臺浦漵一色相縈迴幽人高卧無人猜熙寧天
子多清燕詔遣從容埽東絹是時相公成法變豈悟涼
雱將集霰圖成高張清暑殿不數十年同席卷壘壓明

昌眼中見歌聲又唱青山轉

青山轉亡金時謠也

寶繪流傳仍自

汴零落宣和幾宮扇何如坡谷詩才擅發興春山玉堂

院

秋日懈谷半槎餞予平山堂分韻

何限憑闌意披襟已颯然天清隋苑樹秋蕩海門烟旅
望無千里留題有卅年離心逐涼葉并墮遠峯前

八月十七夜吳甌亭招同人集吳山看月分得

風字

今年陰雨秋正中重修翫事開晴空吳剛斫卻桂花朵
清光要與朋儕同伍子山頭試飛步石闌干外何迷濛
萬家樓閣墮煙海但見幾點疎燈紅羽人把酒勸容醉
吹笙更喚雙玉童曲終老眼忽搖蕩霜輪漸上滄溟東
一痕碾缺勢尚滿古時不見今安窮恍然置我素鷺背
乘此浩浩青冥風下視城郭皆倒影微茫莫辨江山雄
平生每笑塵世隘膠膠擾擾如蟻蠓虛明無礙拓胸次
羣仙招手蓬萊公只愁淪謫任遊戲依舊石畔聞鳴蟲

三更露下且歸去回頭碧樹窺玲瓏

秋日同穆門江聲護林竹田甌亭汎舟至湖心

寺

小別湖光又共探放船秋色徧西南青山白鳥大圓鏡
折葦枯荷古佛龕人影靜隨雲影倒詩情淡與道情參
涼風最戀蕭條趣漫倚前汀漱晚酣

九日同全謝山吳甌亭諸君遊城東報國院

寂寥九日也怱怱乘興同過古院中蔬圃蟲鳴秋境界

竹房人語佛家風
黃花且止盈樽酒
碧水聊窺兩鬢蓬
更有斷腸成昨夢
神清無復到城東

昔符生聖幾嘗同游此今下世已十

年矣

月夜唐棲舟中同謝山作

故人襍被共出城
疎林明月唐棲行
悠悠徒抱文字癖
落落但話江湖情
四十五日夜方永
一百八聲鐘最清
朝陽初上睡翻著
船頭已見含山迎

溪行

溪行堪竟日枝港雜清渾晴景開帆色微霜落水痕
魚黃葉市誇酒白蘋村物價年來貴饑驅不復論

與謝山偕往廣陵予至吳門疾作遽歸謝山有
詩惜別次韻

生來僧祐偏多病同往林宗又失期兩點船燈看漸遠
暮江惆悵獨歸時

歸舟力疾游烏戍三寺各得絕句二首

密印寺

梁昭明太子讀書處

青墩烏戍近比連蟹舍菱塘繞一川
病客愛來尋古寺
前生或有打包緣

霜葉蕭蕭下古廊
人傳帝子讀書堂
蕩舟去後生天早
免見青絲發壽陽

普靜寺

沈休文捨宅

梁朝佐命齊家令
燈暗伽藍長野蒿
捨宅捨身應一例
暮年何止懺分桃

沈約懺悔文云淇水上宮曾無有幾分桃斷袖亦多云多

冷落僧房樹下開
瘦腰想像獨徘徊
祇憐一代風騷手

邢邵曾容作賊來

壽聖寺

寺塔俱梁時建宋陳去非居此有芙蓉浦月華池

晴日如春望轉迷興來踏徧幾招提雲光東塔過西塔
水勢車溪入爛溪

風鐸交喧寶網新

時寺塔新修

簡齋小住覓遺塵白頭落托

詩名賤空憶芙蓉浦上人

餅花齋百八瓷酒器歌

吳君尺鳧故物今嗣敦復乞詩

君不見鄭泉酒人稱大戶化身願作陶家土繡谷先生

歸道山酒器駢羅一一精魄聚何年
筮坎六四又有酒
用缶不用匏弁星值斗斟且酌鏤金刻木徒相嘲
綠瓷
賦鄒陽風氣自此開孝威掟叔夜杯與夫柴家雨過天
青好顏色俱隨劫火去不回瓶花齋中霜葉亂觴客香
醪互持玩建甌高捧兔豪圓定盃低傾紅玉半中受五
斗甌製同小則二升之觚四升觥其數一百八件有如
念珠曹翹部風流舊公案前明供飲瓷最多永厚宣薄
羣摩挲串金番蓮發五彩蓮房桃實交雙柯醮壇茶琖

肅皇造今日坐上驅使卷白波只無穆廟窠僻畫於馬
託彷彿廣川屋壁東昏閣酒德未終色荒作追思雅意
淫哇削法士毋譏腐腸藥長公繼美清且賢醉鄉之後
人爭傳要客更唱飛朋牋衛公故物胡能然就中我愛
小觥船不齟亦復堪流涎鬢絲禪榻非當年故人久作
騎鯨仙

同作

張雲錦

繡谷亭主嗜古兼好奇百有八種傳酒卮瓶花齋中

我曾到張筵惜未一見之紫藤花開復花謝此幸不
與銀杯化或云數應寒山鐘鯨吞彷彿聲春容或云
數合牟尼珠戒彼沈湎列座隅以我觀之殊未是觥
錄事即在此一器祇宜一客專大戶小戶分陶埏惡
客僅許鷄背殘放士頻勸花稜船定州之白汝州青
兼以越州祕色之鮮妍或淺斟而輒止或急觴而遽
傳乃信道不離飲器千鍾百觚有深意負才不遇可
柰何徒留手澤今傳視不羨蘇晉曲室五萬枚還勝

元載熟物三千事故家篋筭寶金玉爭及佳瓷能不

俗式仿考古圖燒從提舉局

留青日札宋南渡有邵成章提舉號邵局置窑

造青椶眼蟹爪新製摩瑩粉堆脂芳氣觸

博物要覽汝窑色卵

白汁水瑩厚如堆脂然汁中椶眼隱若蟹爪

前明窰器列朝分雞缸尤推

宣廟獨縱遲名酒瀉餘杭歷歷籤題看亦足

慰意林悼亡

難問高穹竟渺茫看君憔悴鬢新霜情如微子偏傷逝

時先有令兄谷林之痛才似安仁又悼亡多事雁聲啼夢破無端

魚日照更長春椒將獻高堂壽應減中宵淚兩行

歲暮連雨初晴竟不成雪

夢破南窗海日烘嚴凝纔罷雨兼風徒傳龍媪祈冬雪
不遣鴉娘呪歲豐李峴幾時令粟賤孟郊底事坐詩窮
一旬尚遲青幡信催取天花落半空

元夕集吳甌亭齋中賦武林踏燈詞四首

以下
戊辰

即漸冰輪特地圓幾年無此好燈天若教兩夜添晴色
不負錢王買夜錢

鬧蛾叢裏鬪新妝去點吳山十廟香學得吳中低髻子
阿誰百媚在中央

詩人家住薦橋街處處看燈此處佳翻破存齋新樂府

底須碧玉拾遺釵

明瞿長史宗吉居薦橋見歸田詩
話有燈詞十五首甌亭亦居此地

雙柳垂鬟竹馬迎映紗籠燭最輕盈兒童也識 熙朝

盛一色春旗寫太平

舟行餘杭道中入西溪同穆門鹿田江聲護林

龍泓柳漁竹田甌亭作

昔游大滌山蒼蒼在天際扁舟似向之轉鼓溪口杳春
晴多斷流芳信恐成滯尋真遠未就假道紆有計隱見
數峯尖屈曲隨岸勢居人盡田家宿處問漁弟日落村
煙生疎梅耿幽翳今宵話燈下身事同不繫

西溪山莊曉起看梅

入望林端白幽禽出竹飛地偏春作主花好客忘歸香
氣濛初日橫枝近翠微逃禪工畫本千樹見應稀

西溪山莊有感

闌壓垣衣戶網塵嫩寒惻惻那禁春一池好染羅裙水
只照梅花不照人

汎舟河渚過曲水秋雪諸菴二首

蘆錐幾頃界為田一曲溪流一曲煙記取飛塵難到處
矮梅下繫庖篷船

經幢宛在水中央春早渾疑水亦香白髮老僧無一事
齋餘分供與魚王

永興寺觀綠萼梅

西溪風土我所愛衆香國裏紛脩態元章大叫梅花王
永興二株乃前輩竭來日晚佛屋深竹翠嵐陰交掩曖
無多落照上花梢賞會令人增感槩少年見此全盛時
盈畝空園被花礙巡簷斛斛堆綠珠染袂珊珊潑濃黛
一株忽受冰雪折空腹饒然古根在扶持不得山僧力
槎枿仍抽凍蛟背疎花數點生意回倔强天教閱人代
海月多情魂為返松風相响寒先退題詩苦憶東澗老
祭酒親栽今豈再

梅為明神廟時馮
具區先生手種

隔溪橫笛莫輕吹

一勺清泉向花酌

自木橋至宋輦道中作

籃輦行穿曲復深
春雲淡淡竹陰陰
平橋正對青山出
古道曾傳翠輦臨
燒筍他時成故事
探梅此日有同心
嗟予會逐風埃去
禪板詩瓢約重尋

南屏山房訪讓山上人

經年阻幽踐
覓路出高松
湖色浮空曲
雲陰過別峯
禪餘寒尚在
話久午初逢
自笑瘦居士
偏宜筍蕨供

同讓師泛湖看新柳

隄上無窮柳春來那忍攀
絲長初醮水綠淺不遮山
煙態思前日風情媿老顏
阿師觀物幻相與棹舟還

七寶山三茅觀同人春望

茲辰風日美間客此閒行
竹暗青藏磴江春綠抱城
唐鐘隨火去宋牒與苔平
鶴背茅君下應悲世幾更

花朝雨中同人汎湖分韻

六扇青篷載雨低雲行
只在衆峯西飛來詩句渾
如濕

催放花心半未齊，
罰錢乍呼驚屬玉游。
驄不到，惜郭泥。

畫成水墨施家樣，
剩有袈裟許共攜。

時恒公
在坐

薄暮出湖上至恒公方丈同人分韻

好遨今尚有遺風

陳唐卿云杭人好
遨自緩緩歸曲始

春月招尋得數公

掠段家橋昏綠外，
到孤山寺水煙中。
靈雲舊話桃花在

慧遠心期蓮漏同，
此夕清歡應不寐。
將船留繫曲廊東

春湖夜汎歌

晴湖不如游雨湖，
雨湖不如游月湖。

二語出明張合宙
載乃當時杭諺

同時看月兼聽雨二事難得魚熊俱沙外登舟櫂徐撥

天融山暖雲初活水月樓邊水月昏

李調戒菴漫筆云
杭湖船精妙者曰

水月樓

煙水磯頭煙水閣

葉公祠乃張太宰煙水磯見錢
心早筆記今曲院風荷亭子皆

其地也

尊前綠暗萬垂楊月痕似酒浮鵝黃一片蛙聲遙

鼓吹四圍山影爭低昂此時坐上各無語流雲走月相

吞吐欲潤冥冥隄上花故灑疎疎篷背雨合成芳夜銷

金鍋繁華千古隨逝波誰把長橋短橋月譜入吳娘暮

雨歌雨止依然月不見空裏湖光白如霰歸向龍宮枕

手眠粥魚初喚流鶯轉

四照亭曉望

孤嶼亭空斂曉煙
袂衣初試鬪輕便
諸天宮殿琉璃上
二月湖山錦繡前
紅雨欲飛鶯宿鳥
碧波不動待游船
詩成散入城中去
破費家家十樣牋

雨中柳漁招同諸公汎舟北郭看桃花用少陵
江畔獨步尋花韻七首

暎晴預作看花約
無奈一宵風雨狂
司家橋頭進船路

三尺水滿上魚牀

天桃穠李上河濱
霎霎濛濛濕好春
雨師若借霜威避
東道應知是主人

村迴港曲見漁家
帶雨飄來幾片花
盪槳應知有春色
打篷幸不在天涯

半山山半出雲煙
無處花多不可憐
七娘子廟何人到

折取繁枝供几筵

半山七娘子廟崇善王
妹也見咸淳臨安志

不辨花源西復東
年年花事雨兼風
鴨頭依舊十分綠

人面可如前度紅

柴門臨水自成蹊
吹濕青青酒旆低
柔眼含時未蠶浴
花枝重處有鳩啼

莫愁衝雨回船早
明朝看即落紅催
老夫一春好懷抱
不向花開何處開

放船自孤山至湖心寺作

山螺翠寫午晴餘
艇子沿緣興未疎
草比帑腰猶淺淡
水如鏡面更空虛
載來雙笛楊公濟
坐共孤禪孫太初

前輩風流應不遠倚闌斜日為躊躇

宿南屏讓公房用東坡病中獨游淨慈韻

笑拖雙屐入空山借榻松風竹靄間得得來遊如有約

騰騰游好許誰攀禪燈照影詩皆瘦客枕和雲夢亦閒

更愛點茶三昧手火前曉試不知還

五燈會元洛京福先寺仁儉禪師放

曠郊野謂之騰騰和尚萬水千山得得來貫休句也是日與讓公汎湖歸故云

曉發南屏渡湖歸舟中寫望

乍解輕舟曉色交僧房回首小於巢一湖春水窺山影

十里初陽上柳梢爛漫狂名幽鳥識參差老態野人嘲
游蹤未逐香塵動遠聽漁榔隔浦鼓

三月三日同穆門護林竹田恒公酌顧丈月田
墓兼修禊湖上分得之字

料峭東風上巳期故人一去更何之經年來酌橋公酒
此日空題逸少詩渲碧湖寬春雨後滲金山好夕陽時
回船不盡餘寒意安得英靈共此奇


寒食日同周穆門汪西顥集湖上時西顥自閩

中歸

水蒲風柳綠黏天有客初回嶺外船
冷食正宜供軟脚
幾年相見各華顛
茶香僧舍催新火花
落湖隄逐暗泉
他日幽居如可卜
放生社約白鷗邊

晚春初霽大恒讓山二上人
招同諸公集南屏
山房看湖上新綠分韻

衆壑斂殘雨高窗萬綠添
風光動深樾山翠滴虛檐
密映晴絲卷香分細草兼
下方新畫就濃黛染重奩



樊榭山房續集卷六

欽定四庫全書

集部

樊榭山房續集卷八

詳校官侍郎臣謝墉

助教臣常循覆勘

總校官庶吉士臣朱 鈐

校對官學正臣沈 培

謄錄監生臣孫 珩

欽定四庫全書

樊榭山房續集卷七

錢塘厲鶚撰

詩庚

月夜泊吳江

蒹葭望極淨無烟小泊秋娘渡口船對月心情多往事
阻風滋味又今年江空列宿依人近夏淺餘寒與水連
正是清和好時節潛蚪光動不成眠

游水木明瑟園簡陸茶塢二首

小舫閒停岸輕輿遠繞村言尋甫里宅不減辟疆園水
氣涵虛閣山光隱短垣夏帷紛衆綠暫此息塵喧

樓指中吳勝如君有幾家亭留高士跡

中有介白亭為吳江徐高士舊

隱賦並小園誇

朱竹垞先生有賦先

鹿柴陰連竹魚幢俯浸霞主

人何處去山僕且擎茶

由上沙登靈巖山寺

山迴似馬奔天低但鷲沒籃輿上沙來吳宮問禪窟酸

嘶歷翫翫喘汗凌坳凸人勞怯衰步徑轉得清樾君王
昔游宴鑿翠構華祝誰知水犀沈永作金仙謁牒廊既
湮蕪琴臺空突兀皓然太湖陳勢欲吞溟渤東西雙黛
浮帆影望超忽鷗夷去不回古豔久銷骨焚香禮斷堦
捫苔讀遺碣擬聽夜泉聲松間弔烟月

元僧惟則師子林今為齊門某氏園泛舟往訪
閣者以閨人居此辭焉悵然有作

名僧遺石在迢遞訪前塵北郭圖難覓

徐幼文有師
林十二景圖
東

林社未湮不逢澆竹叟偏住散花人
怱悵迴船處温風蕩綠蘋

召伯埭

開帆廣陵郡似別故鄉時古埭傳遺事
垂楊繫遠思鳴鈺佑客舫吹笛女郎祠
稍喜湖天闊風蒲舞鷓鴣

淮城寫望

旅泊孤城外長淮入望勞天形倚蓋遠
水勢築垣高快雨鳴葭屋涼風透苧袍
重過枚叔里蕭瑟感顛毛

午日淮陰城北觀競渡四首

此日家家喚艇行一灣野水是新城無人更說防淮事

烟柳風蒲到處生

淮安新城為
明福藩時築

驚飛沙鳥兩相呼
鐃鼓緣流引客娛
不分午風涼似水
為他兒女颺釵符

誰家林際小園亭
過盡豪華物態零
幾折虛廊通淺渚
壞橋無柱上浮萍

吟朋應是憶天涯
舊曲樽前小字斜

丙寅午日與甌亭
敬身諸君湖上賦

競渡曲 猶有浴蘭遺俗在晚來閒過賣漿家

晚渡黃河

聞道呂梁險東分此地寬
緯蕭詢土俗剪紙祭波官
落日中流赤長風五月寒
高堂念游子舟楫報平安

嶧縣待牘呈沈侍御椒園

京洛十年別相逢鄒魯間
汎舟君有役時椒園以催
賑至山東倚

楫我多艱官燭南牀話離杯
北路顏高情得津送圓月

墮前灣

過微山湖

青山去遲遲風柳吹靡靡湖空生白雲何處弔微子

魚臺道中

為春秋宋邑魯
隱公觀魚處

推蓬纔睡起入眼似江湖小鴨隨孤艇連山出短蒲
矢魚沙戶慣房馬水村無且喜緇塵避寧愁好句逋

南池拜杜少陵祠

太息杜陵叟空垂萬古名文章羈旅賤身世腐儒輕
勝地跡猶在荒池風自清迎神有新曲讀罷一含情

祠為
椒園

所辨有
碑甚工

避暑河干佛閣時守牖任城六日矣

守牖復守牖一朝還一朝淹遲如此少熱惱豈能消佛
影依高棟天風對麗譙他時思在莒只合樂顏瓢

嘉祥書所見

落日嘉祥縣人家早閉門如何大陵氣偏照阻飢村怪
鳥兼遙哭殘蠅聚亂墻二東膏澤徧猶有未招魂

六月六日舟中寄查蓮坡

六月六日寺前牖容子枯坐愁書空岱雲膚寸幾時合
汝水涓流何日通豈有詩篇傳濟北漫將米價問江東
時聞江浙
米價騰貴美人咫尺勞相望尚隔津門烟樹中

題查七倫鑷白圖

風流橫漲橋東客河上相逢各行役髻髻三十頗有餘
未點吳絲一莖白幾時阿堵為傳神苦吟幻出郊島身
平明攬照忽自訝春苗那作霜管新如予衰老藏漁釣
偶逐風塵供姍笑刀圭乞取湏難緇輸與長楸衆年少

看君射策銀案前
領髭早摘何翩翩
從今鏡鑷真堪擲
但數持梁蔡澤年

汶漲

五汶一宵發
遙從泰岱東
灌河聲挾雨
入牖勢分碕
舟楫今朝活
囊錢兩月空
蒼茫雲霧外
何處答神功

月夜謁分水廟作

芒芒禹蹟畫九區
千年鉅野更須臾
大河南徙伏流斷
惟有轉漕爭川塗
我來涼月出深樹
清鐘未絕靈祠趨

祠前地勢若覆盎銅丸注坂兩下俱古汶西行正當面
鮫宮貝闕根虛無擘流彷彿似彭蠡馳波相背漂以輸
南帆北柁競望此箭筈脫手荷傾珠村岷離立話遺事
壅遏詎匪由人乎白老奇謀戴村築東逝那復滄溟紆
太倉紅朽賴一綫萬斛傳送如輕鳧奈何利害互倚伏
頻遭秋潦飢難蘇衆神部署有主者誅風刑雨功非誣
溝渠不溢百穀遂田家旦暮歌烏烏治粟都尉奉牲醴
飫及介卒兼鱗徒

東平

鄆州東下會通河，小艇乘流疾似梭。
地憶須臾風物古，都經劉豫廢興多。
雨能消暑濛濛至，山不知名淡淡過。
垂老那禁行旅感，每逢佳處一高歌。

晚泊張秋鎮

薄暮初收雨，維梢著處家。
斷虹遙飲海，返照倒明沙。
卒律愁煎餅，奔渾笑煮茶。
吳杭炕柁底，一飽任天涯。

東昌阻風

伏日舟中聽曉雞無端風雨共淒淒浮雲西去遙連魏
綠樹南來漸入齊災後名區絲竹少病餘舊僕語言低
愁城如許攻難下一矢書成亦枉題

南皮

南皮城下水灣洄悵望空尋讌友臺季重子桓俱已矣
浮瓜沉李亦佳哉百年勛業翻成恨萬古胸襟不易開
我欲臨風弔遺跡片帆正約白雲來

滄州

蜿蜿高城四面通遙看飛鳥沒長空綠隄槐柳清風外
比屋魚鹽落日中漢室望仙徒自苦唐家橫海為誰雄
閱人只有滄波急倚櫂無言盡向東

七夕查蓮坡招同英司馬夢堂吳東壁陳對漚
集南碕草堂以荷淨納涼時分韻得荷字

羈懷不可釋憚暑期烟蘿嘉招愜心素南郭尋行窩修
梁百步餘沽水通小波絲楊盡踈地彌望菱與荷客來
冷香中遙吹銷煩痾林蟬無輟響秋思亦已多坐中半

故鄉佳節感蹉跎
顏陽飛鳥外
新月層城阿
情話尊未竭
掃軒指斜河

題蓮坡澹宜書屋種竹圖二首

北方種竹如種玉
幽人愛竹一叢足
畧似黃陵古廟前
月痕照破秋烟綠

我家屋後百篔簹
夏雨吟風半畝強
莫怪披圖動鄉思
來時新筍正過牆

蓮坡以佛手柑見餉賦謝

秋香新載海門船分得兜羅別樣絲恰稱客窗清夢後
偏宜書幌晚風前悠揚突過千花氣受用惟憑一指禪
我正迷方煩導示須曼應有舊因緣

酬英夢堂晚過寓齋元韻

海津多沮洳高館傍古堞閉門秋草長無客共日涉司
馬方外流趣遠神先愜主人呼燈至小坐聽風葉即此
尋元言相期在白業

晚過古春小築奉訪樊榭

遼海

英

廉

夢堂

游雲不滿空，返景下疏堞。佳人隔深巷，薄暮引幽涉。
相違期非遙，相見意彌愜。微風亂燭影，涼雨鳴蕉葉。
寂寞共西窗，惜此清淨業。

題方正學先生雙松圖為蓮坡作

款云洪武八年花朝寫祝

丹崖老先生高壽後學方孝孺

逐燕高飛，兵甲動金川。門開浩呼，洵侯城先生真大勇。
一語文皇魄為悚，騎箕上天不旋踵。故友門生紛總總，
慘淡金燈孤主擁。木末亭邊但遺冢，文字禁嚴衆胥恐。

雙松若非牛革鞏定是陰崖鬼神棒流傳何年拂塵塚
玉軸綾裝鸞鵲一枚傾欹如病癰作鱗之而疑秦董
其旁一株蟻穿孔野叉拗怒兩臂拱偃蓋紛披白雲滄

寫祝丹崖唐應奉

肅

先生署名端且竦是年嚴君戍控

僖初事潛溪角猶懸

洪武

八年先生父克勤戍浦江先生初從宋景濂游

偶然墨

戲興空涌勁氣貞心天骨重韋偃卑弘翻偃齋澹宜主
人寶若珙出自千秋讀書種白眼阿師詎懵懂金

幼胡

廣諸臣生食俸桃李爭春漫矜寵

同作

宛平 查為仁 蓮坡

凌晨客過展畫又再拜肅瞻文正筆青天忽墮雙蚪
龍謾謾如聞風雨泣我思此圖四百載絹素雖殘墨
精采百靈訶護避劫灰留與侯城集俱在揮毫公正
卯角年英氣早已腕底宣花朝寫祝丹崖叟應是上
書代戍前蒼皮溜雨明青銅一松盤屈一摩空似公
東市就義日慷慨乃攜哲弟同長陵渡江紛白刃公
先諸臣慘相殉當時榮悴何足憑少師墨竹隨烟燼

戴冠濯纓亭集有
題姚少師墨竹詩

閏七夕汪西顥自京來津門蓮坡招集水琴山

畫堂分賦

飛絮漂萍少定蹤西沽何意此相逢天邊星漢剛連閏
人世朋尊不厭重萬里征帆勞似鵲

西顥自閩至
京往返萬里

一宵

情話碎於蜚子歸為報湖山侶滿箸尊絲待阿儂

題蓮坡雙鳳圖

蓮坡于丙寅春夢雙鳳飛集屋
榜各銜金篆字一曰貞一曰福

後納二小姬名適
與之同因作此圖

娉婷市裏見，雙身好夢分明證。宿因瑤水生來千百媚，
彩雲飛下一重春。蕙蘭元是含貞性，風月何妨號福人。

楊廉夫晚號江山風月福人

記取辟寒金上字，香奩詩話最鮮新。坡

著有詩話

東堂觀劇四首次西顥韻

秋河雨後濕模糊，小部徵歌集飲徒。此是武宗絃索調，
江南倦客得知無。

韋氏闌前許和子，岐王宅裏李龜年。為君留客殷勤甚，

停却明朝放溜船

閒房新聘紫雲娘
絲竹錚鏦置兩牀
塊壘年來銷已盡
白頭猶入少年場

吳雲燕月兩恩恩
別意方新酒正中
一曲當筵如一世
莫辭聽到六么終

原作

汪沈

衣冠優孟醉模糊
從古神仙屬酒徒
竿木逢場聊作
戲童心還憶昔年無

浣香樂句染香笛不聽清歌近十年今夕東堂競絲
竹為渠怊悵罷觥船

屏彎記曲有貞娘合製箏牀共笛牀我亦中年感哀
樂何妨陶寫百千場

生憎催別苦息息聚散無端一霎中久識人生同爨
演銷魂不待管絃終

蓮坡餞予竹門樓張燈看月得三絕句

燈映迴廊月上樓交光特為故人留空庭荇藻浮沈影

襯出紅蓮竹外秋

從來秋月最淒清
添得春燈豔更明
不是露蟲喧酒半
渾忘身在海津城

今夜燈筵昨夜歌
歡悰無奈別愁何
明朝回首西津路
明月盈盈秋水多

歸舟行衛河西顥先發一日中塗相遇知有武
昌之行賦此送之

水宿懷前儔
荒雞已戒旦
乘流各參差
近岸屢迴轉
停

橈復相逢行計中道變男兒且依劉鄉井何足戀
迅賤予所安才諳子堪羨江夏黃鶴樓青山漢陽縣
太白句到及葉飛初高吟獨不見

獨流口

周世宗北征下三關由
此泝流而西事見通鑑

軍容無復汎龍舟古樹荒烟過獨流若使鎮州存佛乳

關南誰遣作邊頭

佛乳事見王
鞏隨手雜錄

油坊梨

北果品最繁堆盤媚南客蒲桃僧眼青蘋婆佛脣赤棗

皺撲滿筐粟小剖盈石此皆待露霜急就未盡釋船過

下油坊燕齊接咫尺沙村樹纍纍梨熟號秋白斜陽射

林黃登岸觀小摘幽禽啄易損芒蝎穿不惜

芒蝎食果蟲也見抱

朴子數錢致連顆入手雙復隻香清先破鼻膚脆待冰噉

老夫苦肺氣得此潤闕鬲篙師利販鬻包裹動千百區

區釘坐須闕吏愁橫索一笑聊朵頤無勞遠懷核

雨泊故城寄斛谷半槎

不待迷途覺昨非扁舟寥落寸心違孤城風雨秋更斷

千里關河旅夢飛
幸託良朋全遠志
莫教慈母寄當歸
平生浪說交游徧
更有何人重芟衣

小泊阿城鎮戲成三首

瓜壺磊落菜登庖
七級名南浮到市梢
真偽世間誰可辨
家家門外賣阿膠

十六巫兒兩手摻
相攜女伴話詭譎
生來阿縞何曾識
自剪秋燈吉貝衫

麥熟還期歲有陳
諧榆過後事艱辛
舟中睡起渾無賴

說餅應湏了了人

望蜀山湖

秋在無情有思間
扁舟輕載客愁還
心隨飛鷺行邊去
一點波心是蜀山

仲家淺即目

荒陂野水漫縱橫
一片斜暉柳外明
仲子祠前滴秋翠
鳧雲嶧雨晚來晴

淮城使風暮抵揚州

西風作意送行舟
帆飽清淮碧玉流
三百里程消一日
蘆花吹雪到邗溝

吳氏家藏十三銀鑿落歌為蔚洲作

秋琴館裏秋窗拓
主人示我銀鑿落
一一數如琴上星
云是前朝季年作
先世留貽手澤存
石交介壽心盟託
丈如絲髮鐫刻精
製比商周彝鼎各
歷時知更幾晦朔
請為中金溯其畧
神禹梁州陳土貢
銀與砮磬齊磊砢
先秦僅克器飾用
漢興三幣旋廢閣
朱提大侵赤仄權

唐始蠻鄉行漸博承安寶貨鑄即成金溪孝女冶曾躍

輕齎利共粟俱生變化無端累杯杓空傳白氏梅漿洗

白香山寄銀榼與裴侍郎詩云重用鹽梅已笑韓公花
試洗看自注銀匠洗銀多以鹽花梅漿也

葉鑠韓昌黎寄崔立之詩我有雙銀觥其銀得朱提黃
金塗物象雕錫妙工倕又云野草花葉細不辨蕢

菜苑沉當千古必爭地江左蒼黃事堪愕史相壁壘未崩

摧高家兵馬先焚掠此時鑿落何處藏鬼護神訶免搜

索至今珍祕深且嚴積以香檀謹扃鑰二分不敢醉明

月十千那肯澆紅藥莫教惡客髻中匿豈使貪夫市上

攘因思古人銘彝器子孫永寶宜虔恪君今持已等持
盈沐浴詩書光燦若為君作歌歌思長祖德看君更恢
廓

雨後同蔚洲登大觀樓望隔江山色作二首
一片闌外帆帆外山藏雨秋翠忽飛來都染瓜洲樹
逶迤青不斷潤州入昇州一重復一掩不掩南渡羞

秋日懷旭瞻

漸水指家林秋風日夕深無書非是忘有夢即相尋野

艇看山約僧寮問字心寥寥弦外意餘子漫知音

吳甌亭席上食哈密瓜分韻

儒生守環堵封侯徒所羨云何几席間伊州眼中見伊
州近燉煌瓜美不容選年年職貢餘賜出馭娑殿形長
狐得藏氣冷蠅早遣阿誰轉相貽及此賁文讌漢家通
西域聲教被月竈要知六師征詎獨為瓜戰衰年安儉
腹登壠荷鉏倦差傳辰日種適市取攜便并刀驚削寔
甘嚼潭月片珍物匪分宜躊躇不敢嚙

送全謝山赴叢山書院山長

初寒官舫晚潮催，知是經師入越來。
石簣雲深書庫滿，墨池風動講堂開。
西山餓後推前輩，謂劉念臺先生東箭收將盡。
異才我憶舊游何日再，為尋屐齒尚蒼苔。

冬日重游大滌洞天得詩三首

筍輿歷歷數烟鬟，霜櫺風篁遠近間。
二紀重來添白髮，九關依舊鎖青山。
有丹可駐壺中景，無術能謀世上閒。
卻笑范零開石匱，塵緣未斷便思還。

前身名在碧霄曾十月探竒喜未冰洞裏天低堪倚杵
巖中嵐暗盡篝燈山書字合仙人識風佩詩非俗子稱
尚憶當年腰脚健赤城有約試飛騰

尋真又過會仙橋萬壑烟霞閉寂寥
嶽自鳴疑擣藥松風不斷學吹簫
鼻帟喚醒雲根夢小兆來為帝所朝

玉殿無塵漸零落紫芝碑在歲時銷

山中無塵殿供玉皇像猶元時構今

漸顏矣有洪武十一年洞霄新規記徐一夔文俞和書張昱篆額古碑存者唯此而已

步餘杭溪上謁凌將軍廟

吳凌統

蒼源直下漱迴汀古社依稀記舊經共呂子明矜戰伐
與甘興霸作神靈夜嘶寓馬山行雨曉散祠鴉樹見星
欲覓遺苗何處是草間部伍尚名亭

縣有部伍亭凌統少時部伍鄉兵于此

題汪復園亭角尋詩圖三首

少日同馳翰墨場卅年飛電誤流光不論公瑾小一月
今看鬚眉各老蒼

城北幽居一水通荷香柳影冷吟中分明畫出陳居士

亭角披披兩袖風

亭角尋詩滿袖
風陳簡齋句也

老去酒兵元偶爾新來眉谷不相宜與君商畧閒功課
長日唯消幾首詩

同丁龍泓過潮鳴寺訪大園上人觀戴進畫功
德諸像立軸殘本

城東結游侶殘臘得清暇忻茲後梁寺復駐南宋駕冰
釋魚尾莘林疎鳥鳴沙菜甲畦稜斜山影屋頭亞旁闌
白竹扉中啟赤華舍上人此安禪苔榻句無價

雨深苔
到榻握

大鶴辭籠
上人句也

語及戴畫蹟塵網解包乍迦文失莊嚴天女

尚姪姹冠花凹凸裂衣葉披翻罽散脂藥又徒戈鋌儼
欲下又寫屍陀林枯骼瘦堪怕圓勁意猶存精彩炯相

射當時脩門召畫院定雄霸贈詩雖有楊士被放無奈

謝廷人往三百年一藝如堪咤冥搜作佛事舊觀隨元

化聊為柯古述歸剪寒燈夜

寒柳

酸風無復一枝新憔悴翻疑故態真葉落紛如汴隄雨

鴉棲瘦似灞橋人不將濃影遮游舫猶記斜飄拂舞塵
留得慶奴羅扇子烟痕挽住舊時春

題趙子固墨蘭

嶼谷所藏

廣陳之里幽人之居窈然空林有香倚如芳草無言春
風太初懿彼夔齊妙墨相於其葉則勁其花則疎芝連
質秀石抱中虛同心伊誰曰所南歟鄭國服兮楚臣佩
諸

題女士畫扇三首

漁川所藏

名同班氏最清華知道停雲是外家點染春心冰雪裏

只消葉底兩三花

趙昭雙
鈞水仙

從來名士悅風流小筆蕭疎在扇頭一笠空亭行跡少

石城烟樹冶城秋

朱玉耶疎
樹山亭

寥落江山發興新疎松列翠指通津閨中也自傷秋旅

寫出雙帆不見人

黃媛介江
中秋帆

懈谷半槎昆弟招游焦山取道霍家橋次竹町

韻

問訊城南路還同鞦韆口尋江天遠不極雲日澹相侵牛
嬾仍眠壟鴉寒後出林重來水竹地情話愜幽深

夜宿南莊

平生苦愛竹與梅西溪有約鉏蒼苔我行北地少二友
衣塵漚罷空歸來歸來復向韓江寓出郭雲陰風色暮
招要帚屐南莊游舊是梅多竹深處疎林四面開茅堂
卜夜須卜子夜長竹搖萬箇酒燈綠梅放數花詩硯香
彷彿西溪十八里月痕浮動迎春始江雨無端竹裏鳴

不教梅影橫窗紙

焦山觀音巖晚望再用趙冰壺韻

手剔摩厓舊跡存江風為掃凍雲昏山當落日如爭渡
帆向遙天欲倒吞絕頂僧棲同怖鴿空廬人去有驚猿
廿年三到緣非淺好掬清波洗眼根

時予方
病目

同作

馬曰璐

雲磴依稀屐齒存茅亭登歷海光昏音兼吳楚人重
到氣壓曹劉句早吞萬里奔流浮落日十年清景問

栖猿江山佳處歸長望嘯倚天風坐石根

焦山看月分得聲字

焦山寺裏鐘始鳴焦山寺前江月生此時月上潮復上
風水相薄為奇聲餘音瑟瑟獵枯荻礫然飛起棲禽驚
長波萬里入杳靄中流一道馳空明數星莫辨北固火
幾點不送南徐更羣峯隔岸悄如睡何事賈舶貪宵行
吳頭楚尾兼越角我輩聚若九子萍同游者九人 珉石興來
弔鶴瘞瓊田望去呼龍耕坐久起踏松影碎滿地窳窳

霜華橫琉璃宮殿水精域佛界盡在寒而清良朋偉觀
那易得天教今夕二者并高詠坡公赤壁句一尊酹月
還同傾

同作分得月字

馬曰琯

十年不到浮玉山夢裏時時幽興發琴聲憶著冷侵
肌詩思尋來清入骨天公從古妒佳游未必重登還
見月今朝賈勇挂帆過正值晴冬寒不冽夜深雲淨
五三星浪湧潮翻逼銀闕望處澄江徹底明吟成遠

岫排空沒黃蘆苦竹舞平沙驚起香林定巢鶴同行
有客氣最豪把酒披裘坐巖窟廣寒八萬四千戶要
與江山助奇突人生此境豈常遭拾得莫教隨手撒
經窗且復嗅梅花海風吹我蕭蕭髮

登雙峯閣分得翠字

香閣如危巢細路盤折至頗覺筋力衰不辨舊題字爐
烟浮江光帆影移竹翠此間坐永日自爾絕人事將為
禽尚游未免周何累歸歟復裴回短策耐寒吹

同作分得山字

凌虛結遐覽一菴翠微間石磴穿鳥道瘦策同躋攀
了了脩眉蜷遂見江南山喧濤爲下過白雲窗中還
清景迫短晷後游恐緣慳霜鐘發深省鶴銘留孱顏
焦山歸宿南莊二首

江山奇絕足盤桓歸向梅花說夜寒一片水精菴外月
隨人小倚曲闌干

多少長安車馬塵故園空鎖一園春板橋修竹風燈裏

始覺林亭有主人

洪曲溪延清齋雅集分題得炙硯爐

一夜陶泓有凍泉故教移置煖爐邊清霜古怨辭宮瓦
茅屋春風夢石田勛策華林非躍冶句回枯木不離禪
先生笑著寒齋譜休比矮桑磨欲穿

開平王孫種菜歌

并序

常延齡字喬若號蒼谷開平王遇春十二世孫襲封懷
遠侯官南京錦衣衛指揮使有賢行曾疏劾馬阮鼎革

後與夫人徐氏中山上公之愛女種菜於金陵湖墅裔
孫執桓乞詩

高皇初定江南日采石磯頭功第一橫行十萬常將軍
帶礪河山永無失滄桑抱節有賢孫鍾阜秋青入淚痕
飄零大樹不復見顛顛故侯安足論中山同志深閨婦
曲折天吳移舊繡誰知偕隱灌園人俱為異姓分茅後
幾稜荒畦非賜田晚菘早韭資寒泉可憐一紙鋤姦疏
却裏長街賣菜錢歸來偃仰棲衡宇猶勝貂蟬輿阜伍

鳳臺園裏鬼迷花，雞鳴廟前狐嘯雨。
漫向金陵弔夕曛，百年寂寂但孤墳。
籬邊尚發東風菜，一任空原野火焚。

張漁川春草堂雅集同賦盆梅

船唇欲發未發梅，意全舒半舒。
但覺室中香滿不知池，上冰初斜枝馬遠。
結法瘦格章泉課，餘歸去西湖千樹。
為君落月踟躕。

是夕予歸杭

次韻答吳葦村見懷

年來善病已衰微，無寸長如薙髮僧。
多謝良朋遠相念。

試吟佳句恐難勝
雲間雁迴何人弋
冰下蛟寒未可嘗
觸撥孤懷當永夜
為君挑盡一窗燈

奉懷樊榭先生

溪南

吳鳳華

蔚洲

脫屣浮榮嬾就徵
前身應是寫經僧
瘦如飯顆吟尤苦
清似冰壺冷不勝
行繞梅花隨鶴跡
坐看山影落魚罾
相思風雪湖陰路
定對攤書竹屋燈

立春前一日作

殘年不出戶
試起繞階行
上番梅開色
斜陽雪滴聲
春

回偏耐冷臘去有餘清辛苦西川戍兕零事遠征

十二月二十五日同穆門甌亭汎舟至聖因寺

訪大恒上人用東坡臘月游孤山訪惠勤惠思

二僧韻

間何闊高士湖

孫太初號西湖為高士湖

歲云暮矣一事無出郭見

山已如笑登舟招鶴若可呼興來奚暇謀諸孛白頭相

覓塵外娛延緣到寺不十里愛此水曲兼林紆沈沈千

柱釋子廬阿師晏坐秀且孤清修凜凜對雪竹妙句往

往傳風蒲出家洵是大丈夫

徑山欽禪師語

繩牀茶話午至脯

復從絕頂望烟景洪谷有手應難圖幾點綠萼破凍餘
繞樹願為蜨栩遽挈音同訪鄰翁通暗香疎影休重摹

孤山探梅用東坡松風亭下梅花盛開韻

扁舟喚渡尋西村

董嗣杲西湖百詠注云西
林橋為古西村喚渡處

殘梅零落

誰招魂水邊尚有數枝在三花兩藥苔斑昏高吟為拜

處士墓舊游只認孤山園江南春事亦太早石闌坐覺

生微温空亭遠照一峯雪花鬚落日如初瞰平湖鱗鱗

峭風起城頭吹角愁闌門作詩清絕洗綺障舉似老宿
知忘言探芳語後來者明朝尚及攜匏尊

歲除日同江聲東壁甌亭游紫陽菴

趁閒同過羽人居怪石玲瓏玉不如江影一窗開洞壑
松聲滿耳接空虛鐘鳴塵界知春換棊罷仙家忘歲除
我已行年何子季比來百念轉蕭疎

南史何子季云吾年五十有七月食

四斗米不盡何容復有
官情予年正與之同也

元日試筆

以下
已巳

手搔短鬢感流年起向東方未白前後飲酒巡煩杜舉
少成文字笑唐捐壽親無量須依佛老母今年八十貧我何私
莫問天跬步出門春浩蕩好詩都在柳梅邊

北郭歸舟即事二首同江聲作

沙尾痕漸沒芹芽已可挑不見青山郭舟行雨瀟瀟似
出新林浦逶迤向板橋

同舟得我友笑語烟際落人家閉暮色燈影穿叢薄歸
路喜非遙漫畏東風作

春餅

新年今夕好入手愛團圞筭底禁風卷燈前映字看園

丁供生菜竈妾釘春盤不道來年貴偏宜老齒殘

近時
麥價

之昂前
此未有

元夕大雪集汪秀峯真硯齋看燈分韻

落落城中幾弟兄春宵又作放歌行殘梅亭角燈初上

飛絮牆腰月自明甲子晴慳多望歲

是日為
春甲子

鬼方天遠

佇休兵老夫把酒殷勤祝到處豐年有笑聲

春雪初霽同穆門設林恒公汎湖得岫字

湖上四時佳最佳早春候汎逢晴雪初招要詎容逗天

公喚滕神巧在阿香後

十四夜雷
十五夜雪

風力峭能留陽光消

不驟故作冷淡觀少緩芳菲鬥花房鸚破觜柳色鵝脫
敲幻玉刻樓臺濕粉皴林岫中央開碧鏡西子妝更秀
心為尤物移短句詠難就非因侵曉來安得此邂逅

口占待得詩成雪已消足成一律

待得詩成雪已消滿湖新水動蘭橈夕陽紅送僧歸寺

山色青隨客度橋一笑閒名花市酒百年樂意竹房簫
繁華說盡前朝事分付高枝鳥語嬌

春雨齋居遣興

枯坐空齋聽雨聲春來景物似淒清苔緣古砌多幽思
草長閒門不世情尚子卦中知損益昭文琴外悟虧成
蕭然止足身無事驃騎寧高第五名

春分後三日初晴雪軒招同穆門蘭垞董浦汎

湖分韻

載酒邀朋有范雲四山嵐影坐間分放懷且喜同鷗侶
洗殘何煩對馬軍樂過中年天所借晴無三日古來聞
天桃正照清波影好揀繁枝插帽羣

董浦招同諸公鳳凰山看桃花作

春情垂老春醅濃又被城南花惱公青山無賴浣紅粉
小雨野鶯啼故宮看花人去愁難寄一笛花前何限淚

來訪西天寺裏鐘碧蘚蝕殘蒙古字

乙丑三月六日顧
丈月田招看花于

此觴詠烏龍古廟中今下世已五年為之泫然廟有元
西天元興寺鐘一口上有江浙行省平章達實特穆爾

題字并蒙
古字經

穆門招同諸公汎舟甘村看花分韻二首

出郭烟光暖
攜尊客意和
花深隨水曲
舟緩得春多
紅外山連屋
青邊竹映坡
何須話前度
不厭屢經過

並岸尋村徑
游從興不孤
繁枝側帽避
落片倩風扶
美景難為別
時柳漁將入都村農也
自娛主人稱
老健傾倒玉雙

壺

大園上人惠紫菜補陀茶用山谷集中食筍韻

平生嗜讀書枵腹但貯菜勞勞求益心屢問市兒賣上
人空味塵不羨萬羊宰挂席割海雲衣色共難壞歸來
包倭紙償我清淨債香山供高禪詩中費薑芥取用及
齋孟母乃已傷介雷鳴候石鼎雋永堪一噉伴以梅岑
春松濤洗餘噫景純賦已收鴻漸經未采

紫菜見郭
璞江賦

二月十五夜泛月三潭同穆門柳漁竹田恒公

作

三潭人靜煙沖融茲游奇絕我輩同千金不買湖月白

一杯獨吸春山空柳邊花外有今夕銀燭清歌無此風
贊公房裏續前夢黃雞莫漫啼怱怱

晚入靈隱寺

次日吳君甌亭來遂同移門竹田入山柳漁歸去

遂果西山諾來尋猿鳥羣斜陽隱春樹梵唱出香雲佛
坐莓巖徧人行乳洞分如何憩寂地衆籟一時聞

坐月冷泉亭贈巨公

經年不入山山月喜幽詣遂隨芒履行出沒峯嶺際清
光倒泉心瑣碎見松桂一輪澄孤圓倚闌勝仰睇夜深

春氣和微風扇明霽龍宮疎鐘斷澗響續迢遞林僧愛
迎客茶甌暗芳細何處雜花開石路杖頻曳

寒食湖上冶春絕句七首

三日湖山爛漫游汀花沙鳥為勾留今年寒食閒蹤跡
半在僧坊半酒樓

清繞橋迴澗壑長春淙亭下踏春陽越溪一尺西家髻
壓倒吳中時世妝

猛雨豪風不奈何誰教龍忌得晴多桃花薄命成僥倖

腸斷佳人愛愛歌

頭白周郎發興真

穆門

吳家樂府劇清新

甌亭

肩吾詩句神

仙裔

田竹

盡與西湖判斷春

山滿樓空鷺浴翎行窩大好在湖亭凭闌斜日不歸去

吟盡浮嵐潑眼青

山滿樓明高深甫別業在跨虹橋東今廢

新寺海棠烘臉霞兩株合得好詩誇老夫朝暮看不足

一任人嘲命屬花

踏花鹿女茜帚低二月蘇隄似大隄只有道人清淨眼

觀心久作絮霑泥

謂恒公

題穆門虎邱中秋夜汎詩畫卷三首

畫為華秋岳筆

抹月批風老更狂
殢人燈火是山塘
吳中勝事君知否
寫在周家十一章

老我吳船易感秋
秋燈秋月幾曾游
夜來多少行雲影
不夢問邱夢虎邱

如此中秋天下無
船船銀燭度歌珠
風林煙塔迷離處
除却倪迂那解圖

寄沈椒園觀察萊州

河畔相逢跡未遙，使車聞又出中朝。
戶盈左海齊三服，政洽東隅漢六條。
瘦格幾回憑落月，高吟何處託歸潮。
故人依舊耕漁侶，時望音書問寂寥。

次韻奉答樊榭見寄

仁和

沈廷芳

椒園

帀歲相思碧海遙，先生南返我辭朝。
夢回梁月聞雞唱，香滿湖花發藕條。
貧裏預籌游岳屐，老來縱筆浙江潮。
耦耕行踐秋莼約，無盡意齊吟泖寥。

舟過橫里懷平松雨先生故居 并序

平顯字仲微杭州人洪武中官廣西藤縣令謫戍滇南
沐國公英延為西席故居在北關外之橫里地有仲墅
洛山水名十二里漾松雨軒集中有句云萬頃水雲橫
里北百年邱隴洛山陽又云藕花官漾十二里桑蔭鄰
村數百家又云水竹空思仲墅村至今過之風景宛然
惜乎先生之不能終老于是也

出門天宇晴暖風吹我衣片帆一何駛沙燕相隨飛不

斷故鄉山新綠初生肥謝村已回首仲壑望依寬漾
十二里中有詩人扉幽棲如此少遠戍竟爾違桑陰看
浴蠶草舍聞呼稀當從田父飲莫歎季女飢

雨中過鶯脰湖

釣徒何處訪元真來往江湖浪跡頻青草綠波如送客
斜風細雨欲留春

冶坊浜與竹田別

曉別一聲啼鳩春愁幾處人家記取綠陰流水石楠似

雪初花

賦得未到曉鐘猶是春

韓江雅集

春歸何處更相留且酌餘花藥玉舟明燭心還惜芳夜
曉鐘聲莫動離愁低回元相驚獨句停待景陽梳髻樓
漫道千金酬一刻千金多恐未能酬

聽懈谷半查談泰山之勝

天孫迴出名山羣奇游歷歷今始聞紅塵遠謝日下客
白石高揖雲中君古來禽尚幾人共雨後秦吳一髮分

老我曾吟望岱句胸中空翠猶氤氳

題張漁川所藏周昉宮姬調琴圖

天寶宮中尚歌舞三郎天縱工羯鼓廣平留下朋肯聲
寧王抄得龜茲譜小部箏琶競追逐雅樂當時棄如土
趙州長史用意良貌出嬌嬈素琴撫淡妝相對花下聽
低鬟背面尤娉婷一時何處有三粲霧閣雲窗深杳冥
闕睢本是房中曲不比等閒操汎祝好將解穢謝君王
願君解愠四海康

雨中汎舟過篠園三首

三日邗溝雨能添打漿聲紅荷如欲語白鳥故相迎
水亭布硯席初蟬流碧樹菰蘆積無邊不辨來時路
微雨或時作鄉心何處消垂楊拍新漲煙艇第三橋

夏日田園雜興

韓江雅集

綠陰門外亂鳴蜩畏景偏於此地消袂動風畦初足雨
荷翻露港慢通潮聲高與客聽芸鼓味苦呼童種酒瓢
無事牽牛著涼處軟紅十丈自然遙

立秋日作和陳授衣

春殘一舸到揚州歲序無端已半周
安隱鉢單僧過夏蕭條風雨客迎秋
病餘稱藥煩賢主伏後嘗瓜憶故邱
柳巷南頭詩老在全家住久尚鄉愁

授衣杭人家
揚州之柳巷

哭查蓮坡

燕南耆舊久相推會面俄成萬古哀
漫浪虛充選人去淹留直為訪君來

序去
年事

乾坤劉尹誰知我湖海陳登未

易才老淚臨風何處寄手書猶在忍重開

蓮坡于歿之
前八日猶以

手書遠寄未幾而
凶問隨至矣哀哉

蕭照中興瑞應圖

曹勛贊并書明吾杭陳敏菴故物今在廣陵吳氏

趙家九葉承平業乾坤初換紅羊劫鑿輿哀痛塵再蒙
自此中原滿兵甲肅王已去康王留神人助順先磁州
即真當念衣中詔避敵翻為海上遊艱難百戰英雄死
小朝廷在臨安矣迎得慈寧阿母歸不負黃羅卜棊子
太平功就稱翁翁

紹興間禁中呼秦檜為太平翁翁見宿退錄

西湖歌舞驕

春風倦勤竟受天下養瑞應圖呈德壽宮蕭郎曾畫延

祥壁

蕭照奉勅畫四聖延祥觀壁見四朝聞見錄

六百年來撫真蹟中間李

固渡頭冰彷彿扶持光武厄臣勛書贊官職俱北狩見

聞非貢諛

曹勛有北狩見聞錄

何如元史浯溪頌漫比簡子常山

符

魏景初帳構銅歌

狀圓如甯徑一寸長四寸許中空而底方旁出歧枝有孔

上有字云景初元年五月十日中尚方造長一丈廣六尺澤漆平坐帳上廣構銅重二斤十兩

凡三十二字八分書邦上方西疇所藏

霸城月照仙人淚不逐魏宮翁仲二銅駝久作劫灰飛

帳構猶存景初字洛靈兒愛芳林好奪得蛾眉供灑掃

彌環想像薄羅風傳與千年尚方造流蘇翠羽光零亂

土上出金妖讖換見王予年拾遺記文成石馬大討曹水吐玉

蝮纔效漢碧筍平坐朱竿密八分應認仲將筆魏明帝宮館寶

器皆韋仲將書見太平廣記摩挲彷彿陵雲臺小縮波痕勁無匹更

聞昭烈能自貶御用都歸銷鉛燄南史崔祖思傳劉備取帳構銅鑄錢以充

國用帳構銅之名僅見于此一枚古色出重緘留向人間鑑奢儉

秋懷

落魄江湖鬢有華，秋風又入小窗紗。
無官張祜詩名賤，多病休文藥力賒。
慈母老年忻善飯，阿宜弱冠解塗鴉。
新來只有團圓想，猶及中秋可到家。

次韻張嘯齋同舟渡江之作

依依老柳拂汀洲，我賦將歸君始游。
風月西湖如有待，烟波東道若為謀。
烏絲剡紙蠶頭字，白紵吳歌鴨嘴舟。
自是高人情調逸，笛聲吹過一江秋。

同嘯齋西疇暮游惠山至泉上

落帆楊柳灣暮色黯已動信步入幽翠山影正如夢重
來非昔儔光景不可控沈沈泉涵甃漠漠雲栖棟巖桂
何處開妙香時一送不逢片月生風弦為誰弄

惠山下與西疇別

人生客路惜離羣笑語連朝得共君須記並船分袂處
僧鐘茶火隔秋雲

哭周穆門

如君行誼友兼師一慟秋風草木衰徵士東岡有周燮

稱兄南國只袁絲尊鱸不返松江權山水空留汐社期
樓指交情三十載九原無路說相思

大理石屏歌徐陶尊索賦

石屏二一為山高月
小一為水落石出益

天成
景也

坡公會賦後赤壁妙語排空江月白多年無人更收拾
幻入點蒼山下石公之遠遊唯儋耳異域未踰大渡水
山靈豈亦愛公語不似紛紛舒與李徐公清溪結草堂
尊公象
少尹琢屏雙插堂中央有時高枕卧其下夢作孤鶴

橫江翔前身恍忽居臨臯絕境高唱爭清豪五郎押韻

斜川曹

陶尊
行五

寒光一點襲吟袍
蕉堯欲踏三山鰲
雅勝

巫峽翻雲濤不用抱遺撰志金粟詠

元松陵謝氏有巫
峽雲濤石屏楊廉

夫為作志顧
仲瑛為作詩我為長歌聊賀茲石遭

題陶尊綠杉野屋圖

手種絲杉百本餘
舍亭山下閉門居
南州高節渾相似
北路風流笑不如
清籟含霜朝
几靜翠幢承
月夜窗虛
主人只恐棲難穩
早晚雙書向石渠

九日送西顥之武昌二首

今日一樽酒壯君行色無登高何地是送遠更心孤
樊口波濤落怡亭木葉枯應添感秋白重疊付奚奴

明時身不試軍府惜蹉跎月尚南樓好人逢上客過
飛牋流翠墨開讌倒金荷應念衡門下西風獨養疴

初冬命園丁修剪花木有作

平生只合閉門居寒事于今亦有初荒穢頓芟聊復爾
芳菲可待且姑斲蒼預為移梅地掃葉堪充煮茗儲

老去庾郎最蕭瑟小園賦就欲何如

朱母陸氏旌節卷

青燈絡緯動悲吟撫襯提孩兩不禁鄰火滅時飢火忍
烏頭全是表冰心

全謝山喜飲苦酒詩以嘲之

大戶飲嗜辛小戶甘是取君戶大小間奈何好飲苦前
身天酒星匏瓜乃為輔生成東野腸

孟郊詩食
齋腸亦苦

百觚堪

一賭對檠供釀材咀苓付麴部

說文大
苦苓也

醉中不攢眉起

作鴝鵒舞其味盡入心驅向筆端吐詩苦與俗違大苦
致身窶五行性有偏惡旨詎勞禹祇應獨酌謠添入竇
草譜

月夜

乍霽初冬月團團出女牆明收一旬雨清釀五更霜入
竹禽驚夢侵莎蟄閉房今年餘兩度深惜此流光

同董浦謝山北郭閒汎

人生難得是冬晴隨意河橋撥棹聲縱不成游偏有伴

偶然欲出豈無名因看黃葉商行止為愛青山當送迎

歸去只愁僧舍客把詩吟向佛燈清

謝山時
寓僧舍

南潯田烈女詩

儂住潯溪上郎家共里閨掌珠祥入夢冠玉弱知名半
面期幽壤雙飛誓隔生朱絲曾約髻畢命託精誠

長至前一日得沈椒園萊州書并惠靴段阿膠
即次去年嶧縣舟次見贈韻奉答二首

髻奴書到一陽時千里冰霜接夢思宦况知君清似水

窮愁泥我亂如絲冬堂贈疾煩村現曉寺安禪禮導師
只此便應為近狀疎燕筆硯報章遲

山林鍾鼎不同時誰為殷勤繫遠思海內朋交存臭味

卷中詩句叶金絲井膠舊在鄜家注毛布曾傳孔氏師

阿膠見水經注
孔傳織皮毛布

肺氣寒天須底物感深不道寄來遲

雨中過安隱寺寄吳甌亭

寒雨踰篷底經過古道場雲連山懵懂松菴殿荒涼舊
酌名泉冷追思去日忙何當約雙屐重與試旗槍

同張龍威訪陸南香北墅

北墅幽棲處，閒尋野鳥知。
風廊行落葉，烟閣俯空池。
官罷天教逸，詩成客詫奇。
此中多樂地，漫白幾莖絲。

集南香齋觀窗上樹影聯句

日昏近西南，照此窗上樹。
鸚同心集二，三斗室坐和煦。

陸震光疎枝幻自交，
陸錫周虛櫺晃如赴。
澹予斜看烏漸移。

芳谷空想雀難駐，
張元叔濃淡染匪真。
鸚動搖畫亦誤，
鸚借問

何因緣，兼以寒飈故。
陸培

南香

題馮績困無波艇

規制分明六扇篷
窗開麤榫小闌紅
長依茶竈筆牀畔
時泊疎花瘦石中
大地四游俱在水
人間萬斛那禁風
爭如安穩家園樂
只把詩筒當釣筒

奉答當湖吟社諸君折梅贈行之作

客身似葉東湖濱
北風十日吹倒人
明窗深爐作詩供
一枝烘蠟爭鮮新
歲寒之交味禪悅
贈我幽香媚冰雪
諸公送者自崖返
相對篷籠如未別

送樊榭先生載梅歸杭

鮑詢

先生興欲乘歸帆寒宵共聚深杯銜殷勤何物可為
贈花字磬口春風緘春風未轉交三九月落蓬窗香
在手西溪別有雪千林一枝還肯寄儂否

冬日同雲亭江聲甌亭竹田集吳山延慶道院
分韻

丹房重到路依稀共倚闌干客思微半郭樓臺橫杳靄
一湖林岫入烟霏天將雪意供詩本梅送寒香上道衣

安得憑虛吹鐵笛坐看人世玉塵飛

樊榭山房續集卷七